

新修長蘆鹽法志

第九冊

卷十一

賦課上

長蘆鹽法志卷十一

賦課

賦課上

賦課下

田畝有賦商竈有課而課必冠之以賦者明其為正供也
竈有丁戶灘鍋諸課商有引日廉息諸課其徵收出納交
盤奏銷者則司之典守大吏焉

熙朝恩澤頻加凡遇旱潦積逋屢經豁免其前明加派名色諸
陋習概予蠲除惟此常額之表見於編者自當共効輸將
官督之商竈遵之毋怠玩毋侵挪維正之供自長蘆始志
賦課



賦課上

商課

徵解

奏銷

交盤

商課

順治元年歲徵正引課銀一十九萬一千二百二十兩四錢一分二釐五毫

順治二年議準停止邊商納粟令運司招商納銀依額解部引七十一萬九千五百五十道每引徵銀二錢六分五釐七毫五絲歲徵包課改引三萬五千四百五十三道每引徵銀三錢一分三釐六毫四絲五忽三微八纖共徵課銀一萬一千一百一十九兩六錢六分九釐六毫五絲七忽

一微四纖

順治十二年增備用引四萬五千道每引徵銀三錢一分三

釐六毫四絲五忽三微八纖共徵課銀一萬四千一百一

十四兩四分二釐一毫

按舊志順治十二年王秉乾原題作上納引課銀二錢六分五釐七

毫五絲此多四分七釐八毫九絲五忽三微八纖繫順治十三年題增舊志不載今據會典則例補書

順治十三年題準正備改引每引增課銀四分七釐八毫有奇

順治十三年增正引一十二萬道每引徵銀三錢一分三釐六毫四絲五忽三微八纖共徵課銀三萬七千六百三十

七兩四錢四分五釐六毫。又補徵寧餉闕額。酬商滴珠。四項銀三萬四千四百六十三兩一錢一分六釐七毫。每引徵銀三錢一分三釐六毫四絲五忽三微八纖。本年巡鹽御史王秉乾疏稱。萬歷三十四年。戶部議將歲行額引帶鹽十觔。徵銀四分。歲增銀九千五百九十四兩。充寧夏兵餉。至三十九年。商稱帶鹽賠累。止徵銀二分。後又加銀三百兩。共五千九十七兩。每引共六百五十觔。

本朝仍照六百五十觔。則寧餉帶鹽十觔。亦在六百五十觔之內。此銀向未徵解。應於順治十三年始。照五千九十七兩之數徵收。再查長蘆鹽法。自萬歷二十四年議定。正額鹽二百零五觔。餘鹽二百六十五觔。割沒鹽八十觔。寧餉鹽十觔。酬商鹽六十觔。包索三十觔。共重六百五十觔。為一大引。每引徵銀八錢五分七釐二毫五絲。今刪去各項名目。將大引剖為三小引。每引行鹽二百零五觔。包索二十觔。共二百二十五觔。計三小引。共重六百七十五觔。每一小引。徵銀二錢六分五釐七毫五絲。三小引。共徵七錢九分七釐二毫五絲。較明額少徵銀六分。原因裁去浮課四分。寧餉二分。今寧餉已照舊加徵。尚少四分。亦應照萬

歷年間例每小引加徵銀一分三釐三毫三絲三忽三微三纖有奇共額銀九千五百九十四兩又巡鹽御史牟雲龍覆稱前明蘆鹽大引六百五十觔之內原有酬商鹽六十觔包索三十觔我

朝一引分三引每引有酬商鹽二十觔包索十觔但前明一包今分三包是今多二包索矣前明每大引包索三十觔今每小引包索二十觔三引共包索六十觔總計大引酬商與包索九十觔之內除去包索六十觔止有酬商鹽三十觔每小引該鹽十觔今應將此十觔酬商之鹽照例每

引增價二分五釐今照七十一萬九千五百五十引派徵酬商銀一萬七千九百八十八兩九錢再查滴珠銀一千七百八十三兩三錢六分六釐七毫繫鹽法考舊例於順治十三年照舊徵解又補徵開封引價銀七千八百八兩四錢每引徵銀六分六釐六毫六絲六忽六微六纖正引內之開封引價明末每引徵銀四錢今止徵其半順治十三年巡鹽御史王秉乾題準加徵銀六分六釐有奇

順治十五年巡鹽御史馬騰陞題準停止備用新增二項引目一十六萬五千道將課銀五萬一千七百五十一兩四

錢八分七毫。加於正引七十一萬九千五百五十引之內徵收。

順治十八年。增順天。永平。二府屬。引三千六百道。每引徵銀四錢二分三釐六毫四絲五忽三微八纖。共徵課銀一千一百二十九兩一錢二分三釐三毫六絲八忽。

以上順治元年至順治十八年。歲徵正改引七十五萬八千六百三道。共徵課銀二十九萬七千四百九十二兩二錢八分四釐有奇。

康熙二年。巡鹽御史張吉午題準。無分開引綱引。皆納課銀

二錢九分六釐四毫一絲九忽二微八纖五塵六渺。

康熙五年。開封府屬杞縣五縣。改食蘆鹽。增引一萬三千一百八十九道。每引徵銀三錢九分六釐四毫二絲。共徵課銀五千二百二十八兩三錢八分三釐三毫八絲。

康熙六年。增宣化府引一千五百道。每引徵銀三錢一分三釐六毫四絲五忽三微八纖。共徵課銀四百七十兩四錢六分八釐七絲。

康熙十四年。戶部題準。量增鹽課。以濟軍需。各省引鹽。歲共三百六十三萬二千六百七十七引。每引增銀五分。共增

銀十八萬一千六百三十三兩有奇。此所增銀兩。或每引增課五分。或照鹽引之課。多寡均派。令各該御史。管鹽巡撫。實心鼓舞。不得苦累商人。事平之日。停止。長蘆共增課銀三萬八千六百六十四兩六錢。

康熙十六年。戶部議覆。戶科給事中余國柱條奏。清查割沒等項。割沒之設。原因鹽包額外多築。割其鹽而沒之。於官也。先是順治十二年。巡鹽御史王秉乾題。增長蘆割沒銀四萬五千兩。十五年。巡鹽御史馬騰陞據商呈題。免割沒。部議未允。至是議定。各省割沒所報不等。若照此徵收。奸

商借割沒之名。反多夾帶秤掣之官。或行派累。應將割沒之名停止。其銀兩均攤入正引內。作正額徵收。每引加鹽二十五觔。其課銀照攤入之數加徵。每引加徵銀七分。比先報割沒等銀四千五百三十八兩有奇之數。增銀四萬九千五百九十二兩有奇。共銀五萬四千一百三十兩四錢四分。

康熙十七年。增蘆永正河采育深井等處課。每引四分。蘆永正河采育深井等處引鹽觔數。舊與他處綱引相同。而鹽課較少。戶部題請。照綱引一例徵課。巡鹽御史邁色疏稱。

薊永等地方濱海產鹽傍灘依竈食取無忌所以議立包
課量徵錢糧自順治初年改引行鹽雖課比綱引少減已
比包課加增數倍順治六年新增備用等引課俱攤入綱
引而包課之引並不議及前奉新例每引已加五分又將
割沒均派加課七分已屬維艱今若照綱引增課勢難措
辦恐致商逃覆準薊永正河采宣等處該御史既稱俱繫
出鹽之處鹽不值錢仍準加增四分徵收入額考成
又計丁加引八萬六千九百六十二道增課銀四萬三千六
百四十七兩二錢七分八釐六毫二絲三忽一微

康熙十九年準科臣余國柱條奏增閏月引課
康熙二十年

詔停閏月增引

詳

諭旨

康熙二十四年懷慶府屬河內等六縣改食蘆鹽增引三萬
七千二百五十一道每引徵銀四錢六分八釐六絲一忽
五微共徵課銀一萬七千四百三十五兩七錢五分八釐
九毫三絲六忽五微

康熙二十五年河東巡鹽御史李時謙題準停止軍需之每
引加徵五分歲減課銀四萬四千八百七十五兩二錢五

分

康熙二十六年。陳州項城等六處。改食蘆鹽。增引二萬四百一十九道。每引徵銀四錢六分六釐四毫二絲。共徵課銀九千五百二十兩八錢二分九釐九毫八絲。

康熙二十八年。直隸巡撫于成龍題準。減長蘆新引三萬三千二百六十三道。減課銀一萬五千三百七兩二分八釐七毫七絲八忽三微二纖。

康熙二十九年。巡鹽御史江繁題準。減天津引三千三百道。減課銀一千三百九十八兩二錢九分七釐五毫五絲。

康熙三十二年。題定宣化府屬包課銀二千五百九十四兩四錢三分二釐七絲。每年應增課銀二千一百二十三兩九錢六分四釐。宣化東西二城深井堡三處。先於康熙六年。經巡鹽御史孫錫齡題準。革去煎鍋。改引行鹽。定額宣引一千五百道。照薊永例。每引納銀三錢一分三釐六毫四絲五忽三微八纖。共增課銀四百七十兩四錢六分八釐七絲。二十九年。直隸巡撫于成龍會同巡鹽御史江繁題準。東西城深井三處。仍聽民設鍋煎鹽。包納引課。續於三十年。直隸巡撫郭世隆會同巡鹽御史顧譚題準。懷來

等六處改食彞鹽包納引課三十二年題準延懷保等九處包課地方改設州縣歸併包課銀兩永寧衛歸併延慶州包課銀九百七十九兩四錢八分二釐計引二千一百道深井堡改宣化縣包課銀四十二兩三錢六分四釐五毫三絲八忽計引一百道懷來衛改懷來縣保安衛礮山堡亦歸懷來縣包課銀五百八十四兩一錢八分五釐二毫一絲四忽計引一千二百八十道西城堡改西寧縣東城堡亦歸併西寧縣包課銀四百六十六兩九釐九毫一絲八忽計引一千一百道保安州照舊該包課銀五百二

十二兩三錢九分四毫計引一千一百二十道

康熙四十七年加增蘄永引一萬五百七十二道共增課銀四千四百七十八兩七錢七分八釐九毫五絲七忽三微六纖

康熙五十九年增大興宛平兩縣餘引三萬五千三百一十三道增課銀一萬六千四百七十兩六錢八分九釐四毫六忽

雍正元年巡鹽御史莽鵠立奏請加引減課經王大臣議定每引加鹽五十觔免其加課俟帶徵積欠一百數十萬兩

錢糧完日再將如何加課之處議奏。

雍正十年增薊遵等八州縣引二萬五千道灤州等三州縣引五千道課銀一萬四千兩。

雍正十二年增薊遵等六州縣引九千五百道課銀四千二十四兩六錢三分一釐有奇增灤州等三州縣引五千道課銀二千三百三十二兩一錢。

雍正十三年議準山西大同府屬之廣昌縣改歸直隸易州管轄仍循舊例於地畝內歲徵戶口食鹽銀九十二兩六錢六分一釐。

乾隆六年議定每引加鹽五十觔應增課銀八萬六千一百四十二兩九錢八分有奇其二年至五年之應追加勛課銀分限八年帶徵舊商更替無定即著落見在承辦之商完納。

乾隆七年覆定長蘆餘引照綱引例增徵加勛課銀每引九分三釐二毫八絲四忽其二年至六年餘引亦照帶徵額引加課之例於見辦引商名下按年追納。

乾隆十七年

恩旨將每引加鹽五十觔之加課減半納課其乾隆二年至六年

未完加課銀一十四萬餘兩一併豁免

詳

諭旨

乾隆十八年議準巡鹽御史吉慶奏牌鹽之設原以惠鮮莞獨而日久弊生影射行私侵引蠹課是以奏準停止老少日得制錢二十四文較負鹽為安享而官鹽之價仍從牌鹽之舊每觔止賣小制錢五文民食賤鹽無有過於此者欲靖私源欲除積弊牌鹽自不宜復官店必所應開既開官店勢須領引但核計成本不敷商力難以賠墊請將天津所銷餘引免其輸課則商不病而民得永受賤鹽之福至天津額引七百道仍存照例輸課

乾隆三十六年部覆準巡鹽御史西寧所奏各參商歷年虧欠帑課等銀十四萬八千三百餘兩雖將家產查封估變引地積鹽銷賣完欠而虧闕實多日事追比不足抵補十分之一引地虛懸兩載無商承認長蘆商人殷實者少未能出有見貲一歲之內欲其兼納舊欠更屬難支惟寬以年限著落網總選保殷實能事之商分地認定先將參商所欠有利之帑認領輸息冊報參商永恩培等六名引窩抵作帑本家產鹽價抵作帑利鹽課共九萬五千六百五十九兩零外有應賠交銀五萬二千六百五十一兩零飭

令認商代為分限完交。

乾隆五十六年巡鹽御史穆騰額奏長蘆商人王珮自其祖王起鳳於乾隆二十八年承辦永慶號直隸二省官引地二十一州縣迄今循照章程辦理尚無貽悞但引目繁多成本綦重設遇告運不時行銷遲滯關係內府官產一有虧闕不免通網賠累茲據運使詳據通網衆商呈稱永慶號官引地原值高價銀四十六萬六百餘兩及存積鹽包房屋家伙合銀三十五萬九千餘兩二共銀八十一萬九千六百餘兩此項成本在一人獨力肩任實屬未易將來

王珮若難以支持通網必乏接手之人自應預為籌畫商等恭懇據情題請準令蘆商將成本分作十五年拔繳每年繳銀五萬四千六百四十餘兩通網按引攤繳銀二萬七千三百二十餘兩王珮自行拔繳銀二萬七千三百二十餘兩轉發別商生息查王珮名下按年應繳成本息銀九萬五千二百九十餘兩並懇即將每年拔繳生息銀令王珮湊入應繳數內交納計十五年以後除拔完成本外其發商生息每年交銀九萬五千二百九十餘兩仍符王珮應交舊額成本既得清釐而息銀亦毫無短闕實為久

長蘆鹽法志 卷十一 商課
遠之計等情具詳。當即會同運司傳詢衆商。察看情形。實繫情願代為攤繳。所有成本既已分年拔繳。則息銀無庸重複仰懇

聖恩。即將拔繳生息銀。準令王珮湊入原數交納。計十五年内。王珮應交銀兩。遞年輕減。十五年以後。成本全數拔完。其發商生息所入之數。足敷王珮應交舊額。再成本拔繳全清之後。或另招新商。所有從前王起鳳承辦時。接收鹽包運本銀兩。毋庸重複流交外。其引地原有引窩房屋等項。承辦之商。未便毫無交納。應請每年量出租銀三萬五千兩。

解交內府充公。計十五年後。每年又多入租銀三萬五千兩。如此酌籌辦理。於官產帑課均有裨益。經內務府衙門議行。其乾隆十八年二月內。欽奉

恩旨。於所得利息內。加恩每年賞給承辦商人銀三千兩。今既將成本拔繳。轉發各商生息。此項銀兩。未便照舊賞給。應令該鹽政聲覆到日。再議。嗣據衆商稟覆。所有

恩賞銀三千兩。自五十六年為始。歸入應完全數利銀之內。按年解交九萬八千二百九十兩八錢四分六釐。其通綱每年公攤一半。銀二萬七千三百二十二兩四錢三分七釐。除

天津公口岸及王珮承辦官引自行拔繳外淨按七十七萬二千三百七十四引每引攤繳銀三分五釐三毫七絲五忽自五十六年為始於領引時交庫扣滿十五年成本拔完即行停止以符奏限其轉發生息之商仍按年造冊呈報據呈內務府核議覆準遵行乾隆五十九年十二月軍機大臣議覆直隸總督梁肯堂奏蘆東鹽務情形案內奏準將永慶號成本八十一萬九千六百七十二兩零停利歸本展限三年自戊午年起每年交本銀八萬一千九百六十七兩零分限十年令王珮自行拔交經運司議詳

此後通綱無須拔本其已拔三限本銀八萬一千九百餘兩撥抵王珮懸款據咨內務府備案嘉慶二年八月戶部會同內務府議覆巡鹽御史徵瑞清理蘆東積年帑課分別緩免案內查明永慶號成本自乾隆二十八年承辦起至五十八年止交過利息較本銀已三倍有餘奏準豁免

徵解 一條編附

順治初徵收錢糧大率因前明舊制每限庫大使照部頒法馬同交課商人當堂彈兌貯庫其起解錢糧分上下半年兩次先期運使擬定解員呈請鹽院委解其經過地方巡捕官督兵護送出境其解費商人於交課時每引輸銀一分五釐先期貯庫以為正兌添兌解官解吏盤費鞘木鐵束鑿字工價車驟等用惟徵解隨時不立限期至逋課始立限追比如起解若干運使委官一員備具連環批迴詳請鹽政掛號起解報明天津鎮撥兵護送出境沿途州縣

亦各撥兵遞護赴各衙門交納領回批文運司驗明呈鹽政銷號如奉部撥解各省則赴直隸巡撫衙門今改總督請領勘合報明鹽政具題遵照部限起解赴該省衙門交納領取批迴勘驗附卷

凡領解額課運司先期擬定解官職名呈詳鹽院如分司奉委進表掣鹽等公務則改委首領經歷知事代解但首領官每年例該進

貢白鹽又兼陞遷不一則遴委廉幹場官解納其解貢鹽也各場將白鹽貯天津坨內俟部文提取則委員領鹽

上船赴部交納掣批回銷若解課銀赴部委員亦解到掣批回銷

康熙八年準孟戈爾代等題鹽犯贖罪銀兩專歸御史題報不必督撫衙門彙題領解鹽課銀兩亦免督撫衙門掛號康熙四十九年都察院題準各省解部鹽課關稅錢糧該御史監督皆具批送科領解官交銀訖將部中所給實收送戶科察驗

雍正六年河南總督田文鏡疏請押解銀兩行令鹽臣查照起運部餉之例先行移會前途督撫飭撥護送必由大路

按站而行若鹽臣不移會督撫解員不知會地方官由小路行走一有疎失經過之地方官止參疎防照強盜例議處勒緝免其分賠將不行移會之鹽臣私走小路之解官參處照例著落解員全賠如大使等官身家微末力不能賠著落差委之上司全賠再解員不由大路地方官勸阻不遵者即許地方官據實詳報本省督撫不必移會鹽臣竟聽督撫題參下部議行

乾隆元年管理戶部三庫事務衙門劄行凡直省所解戶部三庫錢糧緞匹等項按批另具印批印領交解員役持赴

本檔房換掣批迴本檔房即將印領收存記檔以備查勘乾隆十四年奏準春秋二撥解部銀兩繫官兵俸餉之所必需

豈宜任意稽遲是以會典開載到部如有逾限照例查

參長蘆以文到日定限起解六十日到部嗣後凡有解部銀兩務令遵照原

定期限遴委妥員按期解部仍將接到部文日期及委員姓名起解日期豫行咨部先行知會前途文武各豫派官弁夫馬車輛俟餉鞘到時查照掛號立刻起行按站派官一員帶兵護送交替催趲出境將入境出境日期出具印結轉報督撫加結報部

乾隆五十四年戶部覆準浙江巡撫琅玕咨請嗣後凡有起解一切官物糧餉等項如無兵牌勘合即於詳掛批迴之時聲請另給護牌一紙同批一并給發委員領執豫行咨明沿途經過各關各州縣俟解官到境時一體驗明就於所給護牌之上填明到境出境日期各蓋用印信仍給委員收執回日繳銷本省巡撫衙門以備查考應如該撫所咨辦理

附一條編條約

長蘆正雜課銀各引科則不同數目繁冗易滋弊端乾隆十六年經運使盧見曾清釐各款分正課為恭寬信敏惠五圖雜課為元亨利貞及公季六圖經緯瞭然至今稱便其圖式見商課表不重載

長蘆都轉鹽運使司運使照得長蘆正雜錢糧款項最繁徵收並無章程甚至經承收於室私那移莫可稽查大店別立門頭拖欠積盈數萬戩頭捐勒覺察為難浪費虧那蠹弊已破本使司倣照條編之良規分別各引之名目其正課列為恭寬信敏惠五號號各一式前開散數標註科則後結大總彙平兌收其年內三分年外七分之原限均

仍其舊。而曩之按銀改為按引。則科則分明了。如指掌。可
以杜經承混淆之弊。而未嘗促限併納。致商力之艱難也。
其雜項列為領告二式。每一式分二號。各款之隨領隨告。
各照舊例。而總結銀數上庫。則異於舊之零交。承之私收。
在衆商可免戡頭之虧折。在本司可杜書吏之侵欺。惟鹽
花內數項。在衆商亦原各仍其舊。惟金義常茂等五六
店。曩繫四季完納。今改隨引。似未克如商意。然立法貴於
公溥。豈應曲徇。查本年各大店。拖欠歷年鹽花。共至二萬
四千餘兩。奏銷拮据。非自貽之戚乎。今而後免矣。至於不

按引完納之公項。另列公字一號。不過添一手本。易於稽
查完欠。又如各項生息。及商捐工食。有四季。二季。半季。交
收之不同。今彙為季字一號。開明應納限期。可省諭催之
煩。此均於舊例無所更張者。法雖師古。亦貴宜今。變而通
之。必謀於衆。除將圖式校正發刊外。合先發圖式曉諭。為
此諭仰通網商人知悉。即將本使司新立恭寬等字號。正
課五式。元亨等字號。領告二式。公字。季字。捐項二式。逐加
校閱。如有未便完納之處。未應歸併之款。務於三日內。明
白剴切具稟。以憑酌奪。

又照得長蘆鹽法自莽前院徹底清查以後諸經題定差為明備惟有徵收之法無所釐正而後又加弛焉紛如亂絲稽查匪易其不可之甚者如領告則收於庫吏河工則收於禮房灘坵則收於雜科四黨口弁兵公費則收於工房官以市不費之私恩吏視為相沿之舊例侵那既敗弊政宜更固有不再計而決者矣本使司下車以來今已數月彙核科則之同異細察商力之虛盈定為條編之法使款目則分項以羅列銀數則彙總以完交正供列號為五曰恭曰寬曰信曰敏曰惠領告各一公季各一共為九式

而長蘆之正雜錢糧盡於此矣法之行也在本司有稽查完欠之便簡省督催之便在該商有明白完數之便有省減戩頭之便有杜絕代完者之侵那以致貽累之便雖於各經承有所未便而亦有無可侵那守法保家之便詢謀於衆公議僉同所有前示未盡之意合再開列條約曉諭為此示仰通網商人知悉即將本司所立一條編九式徵收之法並後開款約逐一領會遵行毋違須至條約者一收兌各項銀兩應按手本次序先恭次寬次領次告次公次季同手本者按網次先後

一。手本之外另有繪圖分別引名標列科則縱橫求之一覽而得今將此圖實貼收銀處所該商等交銀手本內有誤入不應完納之項者立時改正仍刊發通網使本商一覽而知應完之數管賬夥計無所施其欺蔽

一。恭寬信敏惠五號手本均屬正課而分五者引之科則不同故也但同科則即入本號如一商名下有網引又有京引即可分註引數併納銀兩惟不同號者不能併其恭字號內之陳儀永等引亦不能併者以科則雖同而有兼完租稅不交贓罰之不同耳

一。帶徵加課恭寬信敏四號均有之餘引加課恭寬二號均有之以其為本商認交之項有隨原引者亦有帶入別引者故開附交字樣一商而兼有恭字寬字準其併於恭字交納若一商而止有寬字信字準其各歸本號交納或併或不併期於便商而已

一。長蘆完課舊例年內三分年外七分相沿已久今改銀數為引數如本名有引一千年內完七百引之錢糧其餘剩三分則一不隨領告併交者恤商力也

一。領告二手本其隨領隨告完納之雜項一如舊例並無

更張惟領費內之鹽花筆帖式等數條在衆商亦仍其舊惟永慶泰來存源天錫慶餘之各大店舊繫按季自交然自十二年拖欠至今已累二萬有餘為數本自無多使不致積少以成重欠於該商不亦便乎且以杜代納者私收者之邪移虧空以終為商累則又大便於本商者也

一。公字季字二號緣其支用有緩急之不同則交收有先後之各異難於歸併交納故仍舊貫而必立式列號者以入手本則登堂單商不得私交經承不得私收那虧

之弊不施防而自絕矣

一。公字季字二號均繫按時支解之項固不必徵之太早使商有力紓之累亦斷斷無臨期可以倖免之理者也而諭催紛紜殊失政體今各定為畫一之限仍不失其舊納之期商其自愛毋煩督催

一。新立手本圖式兌收甚便而核算頗繁逢三日交者於逢一日以前投遞逢八日交者於逢六日以前投遞二七以後入下期彙收

一。交銀之日不得過辰刻已投手本而唱名不到者必懲

奏銷

長蘆正引課於次年十一月奏銷。竈課於次年五月奏銷。餘引課歷一年入於歷年錢糧新收項下。隨同商課奏銷。各省鹽務應完雜項應繳殘引。如有歷年墮積並未勒限完解者。每屆五年由部彙查一次。開單具奏以示清釐。

順治三年都察院議準。凡運司提舉司等官。一年合辦鹽課。於歲終將已未銷鹽引若干。已未完鹽課若干。造冊呈送鹽政具題。以冊送戶科注銷。俟鹽差任滿具題。聽都察院考察外。仍造具總冊送科稽覈。

雍正二年覆準令各省管鹽督撫巡鹽御史將商人每年應完錢糧務於奏銷限內照數完納如有拖欠即將該商革退引窩別募殷實商人承頂所欠錢糧著落該商家產追賠其原出結各官交該部嚴加議處如有通同徇隱以欠作完等弊於發覺之日將該管各官一並從重治罪

雍正十二年題定各省奏銷見年錢糧之時即將歷年未完項下續完若干仍未完若干並支存各數令各該省分別年限彙造清冊隨本年奏銷一併具題毋庸再行造入見年新收及帶徵項下再指駁款項仍照例扣限四箇月槩

用咨文登答逾限者參處若又經部咨駁者仍扣四箇月限查辦統俟一案全數登明戶部彙總題結

乾隆四年覆準長蘆河東兩淮兩廣各道庫鹽課遇奏銷交代照閩浙之例會管理鹽政大吏盤察

乾隆二十五年十月巡鹽御史官著奏稱蘆東引課定例於每年五月內奏銷惟是商力不齊其中貧乏者固已漸形拮据即引地稍裕之家每屆奏限亦費周章臣留心體察蓋商力之裕全在銷鹽而一年盛銷之時惟藉六月之醬鹽九月之菜鹽乃皆在五月奏銷之後冬月河凍較早撥

運銷售亦不能如南省之源源不匱。諸易通融。故每年成本未歸。而課限已屆。多繫重利揭借。以應急需。若不早為籌辦。恐年積月累。逋負漸多。致有日就疲耗之勢。是以歷任直東運使。訪悉商情。無不以另定奏限為請。臣因定制攸關。未敢輕議更張。茲復據運使王圖炯、胡寶琳等面為稟商。臣細加籌酌。查五月所徵鹽課。於十一月內始行解部。若將奏銷改至十月舉行。計所寬之期。總在解部之前。而各商完課。已在醬鹽菜鹽全銷之後。成本既收。轉納充裕。無須催比。其重利揭借完課之累。可免。所完課銀。即於

十一月解部。仍屬年清年款。恤商裕課。均有裨益。奉

硃批。著照所請。行。該部知道。奉部劄稱。彙奏秋撥。定於十月初旬。

嗣後務照例於九月半前。將撥冊送部。以憑彙奏。

乾隆三十一年

諭。銀庫開寫絲毫忽微等數。俱著以釐為斷。下部議定五毫以上。作為一釐。歸併造報。不及五毫者。刪除。各省鹽課關稅。一切雜項錢糧等項。一體遵照。

乾隆三十二年

諭。長蘆通綱引課。十月奏銷。正值菜鹽之時。鹽價未及收齊。著改

至十一月底奏銷

詳

諭旨

乾隆三十四年戶部劄付嗣後應交鹽課銀兩於每年醬菜兩鹽時照額徵數目各完十分之五均勻造入季冊詳咨酌撥

交盤

康熙四年題準經營鹽課官報明巡鹽御史查核完欠方許離任

康熙十二年題準前官已完銷引責成後官限定一年內繳部

康熙五十年正月協理山東道事江南道監察御史董宏彪疏言各省地丁總歸藩司各處鹽課統屬運司責任相同凡藩司交代必將其任內收放錢糧交盤出結造冊呈詳巡撫具題分送部科查核而各處運使交代並無印冊咨

送亦不題報。所以上下之官得以彼此徇隱。如原任廣東運使陸曾。原任兩浙運使李文獻。俱虧空至數十萬。職此之故。臣請嗣後運使交代。亦令照藩司交代之例。將舊官任內收放錢糧。新官交盤出結。造具四柱清冊。呈詳巡鹽御史具題。分送部科稽察。如有徇隱情弊。察出一體議處。追賠。至運同運判。有催徵錢糧之責。亦應照州縣交代。令御史取具冊結。呈報部科。庶虧空易於覺察。戶部覆準。應如所題。嗣後運使交代。亦照藩司交代之例。造具冊結。呈詳巡鹽御史。具題到日核議。如有遲延徇隱等弊。該御史

照例題參。交與該部。照依藩司交代例議處。至雲南貴州四川甘肅等處。未設立運使。其管鹽課錢糧官員。交代之時。亦應照此例。造冊呈送巡撫具題。分送部科查核。其運同運判提舉等官。均有催徵錢糧之責。交代之時。亦應照州縣官交代例。令該巡撫御史。取具冊結。呈報部科查核。雍正五年。九卿會議得。吏部彙題內。將交代遲延之長蘆運使張璨。陳時夏。議以各罰俸一年。奉

旨。這本內議將交代遲延之張璨。陳時夏。各罰俸一年。張璨與陳時夏。交代遲延。其過全在於張璨。著將陳時夏。罰俸之處寬免。

凡屬新舊官員交代遲延大約由於舊官案件不清者多而由於新官勒索者少若新舊一例處分未為允協著九卿分別定議具奏欽此查交代例內官員任內有經管未完錢糧盜案不於兩月內查明呈報上司或不即交署官違例遲延及署官新官推諉不接者俱各罰俸一年等語但凡陞調降革等官於交代之時每因任內虧空挪移等項一經敗露有干參處是以欲行彌縫抵補輾轉營求不即將冊籍造送或因例限將屆希圖掩飾將虧空挪移等項朦混造送新官查出舛錯往返駁查以致遲延若將新舊官一例處分

誠未允協嗣後凡督撫核參交代遲延案件即將遲延情由詳細確查如果繫舊任官希圖掩飾不於兩月內將任內錢糧等項徹底清白造冊交送新任官則遲延之咎專在舊任官與新任無涉該督撫即將舊任官因何遲延情由明白開註指參將舊任官照例議以罰俸一年新任官免議如舊任官至例限將屆始將冊籍造送新任官又不即上緊查核以致遲延則遲延之咎固在舊任官而新任官亦難辭責該督撫將此情由亦行分別註明指參將舊任官照例罰俸一年新任官罰俸六箇月如舊任官已將

錢糧等項。徹底清白造冊交送。而新任官推諉不接。以致遲延。該督撫即將因何遲延情由。註明指參。將新任官照例議以罰俸一年。舊任官免議。其督催不力之上司。仍照定例議處。至今年張璨陳時夏交代遲延。其故全在張璨。應將張璨照例於見任內罰俸一年。如此則舊官不致任意遲延。新官亦免代人受過。而交代案件。亦得速行清楚矣。

乾隆四年。理藩院左侍郎覺羅勒爾森奏言。鹽道職司鹽課。猶各省藩司之統轄地丁也。定例。藩庫錢糧。每當奏銷。以及交代之時。必經巡撫盤查。無侵欺影射情弊。方始造冊報部。而各省鹽道錢糧。因無上司盤查之例。或止將按卯收數摺報。或止奏銷時造冊報明。即該管鹽臣。亦以例不盤查。置之不問。獨閩浙兩省。經撫臣盧焯題請。歸併撫臣盤查。見奉

諭旨遵行。則兩淮長蘆河東兩廣等處。雖管轄或有督臣鹽臣之不同。但既有責成。即行綜覈。若不照例查察。惟據檔案為憑。不特款項繁多。難免影射之弊。抑且章程互異。殊非畫一之規。似應將兩淮長蘆河東兩廣各道庫鹽課錢糧。照

閩浙盤查之例。責令管理鹽政大吏。親為盤查。不得止憑檔案報銷。庶法守畫一。責有攸歸。

乾隆七年。部議準。兩淮巡鹽御史準泰。請將鹽場大使交盤。照州縣例。勒限兩箇月。由該管分司。核具印結申運司。加結詳鹽政。咨報部科。倘逾限未清。查繫新舊何任。遲延分別參處。如有難結情由。照例聲明。咨部展限。



